



Pou Piblikasyon Imedya: 09/07/2023

GOUVÈNÈ KATHY HOCHUL

**GOUVÈNÈ HOCHUL PWOLONJE ETA DIJANS POU ENKLI KONTE ONTARIO
PLISKE GWO INONDASYON ENPAKTE ZÒN CANANDAIGUA A**

***Konte Ontario ak Konte Orange kounye a anba [Eta Dijans](#) akòz gwo inondasyon
ki soti nan gwo chit lapli***

***Ekip Sovtaj Rapid nan Dlo ap fonksyone nan Konte Ontario pou kontwòl byennèt
pòtapòt***

Abri Lakwa Wouj kounye a ouvri nan Meri Canandaigua a pou rezidan ki afekte yo

Gouvènè Hochul jodi a te deklare yon Eta Dijans pou Konte Ontario, paske gwo chit lapli aswè a te lakòz gwo inondasyon nan zòn Canandaigua a. Biwo Jesyon Ijans (Office of Emergency Management, OEM) ak Biwo pou Prevansyon ak Kontwòl Ensandi (Office of Fire Prevention and Control, OFPC) nan Divizyon Sekirite Teritwa ak Sèvis pou Ijans yo (Division of Homeland Security and Emergency Services, DHSES) Eta New York la gen pèsònèl nan konte a k ap ede ak efò repons lokal yo. Ekip sovtaj rapid nan dlo Eta a ki gen pèsònèl ki soti nan Pak Eta yo (State Parks) ak Biwo kont Ensandi Eta ap fè kontwòl byennèt pòtapòt pou katye ki sibi pi gwo enpak yo. Anplwaye DHSES entegre Sant Operasyon Ijans Konte Ontario a pou fasilite demann pou asistans lokal yo.

"Akòz kondisyon ki deplizanpli danjere, m ap elaji Eta Dijans nou an nan Konte Ontario", **Gouvènè Hochul te deklare.** "Pèsònèl Eta a yo sou teren an epi y ap sipòte nenpòt bezwen efò entèvansyon lokal yo. Nouyòkè yo nan rejyon ki afekte yo ta dwe fè tout sa yo kapab pou evite wout ki inonde epi rete vijilan pou plis move tan."

Komisè Divizyon Sekirite Teritwa ak Sèvis pou Ijans Eta New York la (Division of Homeland Security and Emergency Services), Jackie Bray, te deklare, "Ekip nou an deja sou tèren an nan Canandaigua a aswè a pou ede ofisyèl lokal Konte Ontario yo ak sekouris ijans yo ak enpak ki gen rapò ak inondasyon. Nou kontinye sipòte efò sa yo ak lòt efò atravè eta a paske gwo lapli te lakòz inondasyon toupatou. Nouyòkè yo ta dwe pran plis prekosyon, si yo vwayaje, epi rete vijilan."

Lakwa Wouj Ameriken ap opere kounye a nan Konte Ontario nan Meri Canandaigua a (5440 Route 5 & 20 West, Canandaigua, NY 14424).

Pou kapab jwenn yon lis konplè sou alèt ak previzyon meteyo yo, vizite sit entènèt Sèvis Meteyowolojik Nasyonal (National Weather Service) la nan <https://alerts.weather.gov>.

Nou ankouraje Nouyòkè yo pou enskri pou alèt ijans lè yo abone nan Alèt NY nan alert.ny.gov, yon sèvis gratis ki bay enfòmasyon ijans gratis sou telefòn ak òdinatè ou.

Konsèy Sekirite pou Move Tan

Founiti nan Ka Katastwòf

- Kenbe twous katastwòf la sou men, avèk ladan:
- Flach ak pil siplemantè
- Radyo ki fonksyone ak batri ak batri ekstra yo
- Twous premye swen ak manyèl
- Manje ak dlo pou ijans
- Kle ki pa elektrik pou ouvri kanèt yo
- Medsin esansyèl yo
- Chekye, lajan kach, kat kredi, kat ATM

Inondasyon Eklè

- Pa janm eseye kondi nan yon wout ki inonde. Vire tounen epi fè yon lòt wout.
- Si dlo a kòmanse monte rapid bò kote ou, abandone machin lan imedyatman.
- Pa souzestime pwisans destriksyon dlo k ap kouri vit. De pye dlo inondasyon k ap kouri rapid pral fè machin ou flote epi dlo k ap kouri ak yon vitès 3.2 kilomèt pa èdtan ka pote ale machin ki sou wout oswa sou yon pon.

Zèklè

- Swiv enstwiksyon 30-30: Si tan ant moman ou wè ekla zèklè an epi koute kout loraj la se 30 segonn oswa mwens, kout zèklè an pre ase pou li frape ou. Chèche abri imedyatman. Apre dènye ekla zèklè an, rete tann 30 minit anvan ou soti nan abri ou an.
- Kout zèklè yo frape bagay ki pi wo an. Si ou sou yon liy pye bwa, kouri ale anba l epi kwoupi si ou nan yon zòn ki ekspoze.
- Si ou pa kapab ale nan yon abri, rete lwen pye bwa yo. Si pa gen abri, kwoupi nan zòn ki ekspoze, epi rete lwen a yon distans doub fwa longè pye bwa a.

Tònad

- Si ou deyò, epi yo pibliye yon Avètisman Tònad, chèche abri imedyatman. Si w pa gen okenn kote tou prè w pou w mete w alabri, kouche plat atè nan yon fose oswa yon kote ki ba epi mete men w sou tèt ou.

- Si ou lakay ou oswa nan yon ti bilding, ale nan sousòl lan oswa nan yon pyès pa andedan nan etaj ki pi ba a. Pa kanpe bò fenèt yo. Plaka, chanm deben, ak lòt espas chanm enteryè yo ap pwoteje w pi byen. Antre anba yon bagay ki solid oswa kouvri tèt ou ak yon matla.
- Si ou nan yon lekòl, yon lopital, oswa yon sant komèsyal, ale nan zònabri yo deziyen alavans lan. Pa kanpe nan espas ouvè ki laj yo aswa bò fenèt yo. Pa soti deyò pou al nan machin ou.
- Si ou nan yon bilding ki wo anpil, ale nan yon ti pyès pa andedan oswa nan koulwa nan etaj ki pi ba posib lan. Pa pran asansè - pran eskalye pito.

Pou jwenn plis enfòmasyon sou preparasyon pèsònèl ak kijan pou rete an sekirite pandan move tan vizite: <https://www.dhses.ny.gov/safety-and-prevention>.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418